

孫真人千金方衍義卷十三

長洲張璐路玉著

南沙席世臣郢客校

心臟方

凡入類

心臟脈論第一 論一首

論曰心主神神者五臟專精之本也爲帝王監領四方夏王七十二日位在南方離宮火也有生之來謂之精兩精相搏謂之神所以任物謂之心神者心之藏也舌者心之官故心氣通於舌舌和則能審五味矣心在竅爲耳夫心者火也腎者水也水火相濟心



氣通於舌舌非竅也其通於竅者寄見於耳左耳丙
右耳丁循環炎宮上出唇口知味榮華於耳外主血
丙主五音心重十二兩中有三毛七孔盛精汁三合
神名吶吶主藏神號五神居隨節應會故云心臟脈
脈舍神在氣爲吞在液爲汗心氣虛則悲不已實則
笑不休心氣虛則夢救火陽物得其時則夢燔灼心
氣盛則夢喜笑及恐懼厥氣客於心則夢邱山煙火
凡心臟象火與小腸合爲腑其經手少陰與太陽爲
表裏其脈洪相於春王於夏夏時萬物洪盛垂枝布
葉皆下垂如曲故名曰鈞心脈洪大而長洪則衛氣

實實則氣無從出大則榮氣萌萌洪相薄可以發汗
故名曰長長洪相得卽引漿水溉灌經絡津液皮膚
太陽洪大皆是母軀幸得戊巳用牢根枝陽氣正出
汗見於頭五內乾枯胞中空虛醫反下之此爲重虛
脈浮有表無裏陽無所使不但危身并中其母

夏脈如鉤夏脈心也南方火也萬物之所以盛長也
故其氣來盛去衰故曰鉤反此者病何如而反其氣
來盛去亦盛此謂太過病在外其來不盛去反盛此
謂不及病在內太過則令人身熱而膚痛爲浸淫不
及則令人煩心上見咳唾下爲氣泄

心脈來累累如連珠如循琅玕曰平夏以胃氣爲本
心脈來喘喘連屬其中微曲曰心病心脈來前曲後
居如操帶鉤曰心死

真心脈至堅而搏如循薏苡子累累然色赤黑不澤
毛折乃死

夏胃微鉤曰平鉤多胃少曰心病但鉤無胃曰死胃
而有石曰冬病石甚曰今病

心臟脈脈舍神怵惕思慮則傷神神傷則恐懼自失
破胭脫肉毛悴色夭死於冬

手少陰氣絕則脈不通少陰者心脈也心者脈之合

也脈不通則血不流血不流則髮不澤面黑如漆葉
者血先死壬篤癸死水勝火也

心死臟浮之實如豆麻擊手按之益躁疾者死夏心

火王其脈浮大而散一作弦曰平反得弦細而長者是

肝之乘心母之歸子爲虛邪雖病易治反得大而緩

者是脾之乘心子之乘母爲實邪雖病自愈反得沉

滯而滑者是腎之乘心水之剋火爲賊邪大逆十死

不治反得微澀而短者是肺之乘心金之陵火爲微

邪雖病卽瘥腎乘心必癰

左手關前寸口陰絕者無心脈也若心下熱痛掌中

熱時時善嘔口中傷爛刺手少陽治陽左手關前寸口陰實者心實也若心下有水氣憂恚發之刺手心主治陰

心脈來累累如貫珠滑利再至曰平三至曰離經病四至脫精五至死六至命盡手少陰脈也

心脈急甚爲瘈瘲微急爲心痛引背食不下緩甚爲狂笑微緩爲伏梁在心下下行有時唾血大甚爲喉介微大爲心痺引背善淚出小甚爲善噦微小爲消痺滑甚爲善渴微滑爲心疝引臍小腹鳴漇甚爲瘖微漇爲血溢維厥耳鳴癰疾

心脈搏堅而長當病舌卷不能言其濡而散者當

瘖渴自巳

渴一作環

赤脈之至也喘而堅詮曰有積氣在中時害於食
心痺得之外疾思慮而心虛故邪從之扁鵲曰心有
病則口生瘡癘爛

心在聲爲笑在變動爲憂在志爲喜喜傷心精氣并
於心則喜心虛則悲悲則憂實則笑笑則喜

時主夏病者時間時甚知其源取其輪觀其應審其
害

病先發於心者心痛一日之肺喘咳三日之肝脇痛



北京中医药大学图书馆版权所有

支滿五日之脾閉塞不通身痛體重三日不已死冬
夜半夏日中病在心日中慧夜半甚平旦靜

假令心病北行若食豚魚得之不者當以冬時發得
病以壬癸日方

凡心病之狀胸內痛脇支滿兩脇下痛膺背肩甲間
痛兩臂內痛虛則胸腹大脇下與腰背相引而痛取
其經手少陰太陽舌下血者其變病刺郄中血者

心脈沈之小而緊浮之不喘苦心下聚氣而痛食不
下喜咽唾時手足熱煩滿時忘不樂喜太息得之憂

思



心病其色赤心痛短氣手掌煩熱或啼笑罵詈

愁慮面赤身熱其脈實大兩數此爲可治宜服

藥春當刺中衝夏刺勞宮夏季刺大陵皆補之秋刺

間使冬刺曲澤皆瀉之此是手心又當灸巨闕五

十壯背第五椎百壯邪在心則病心痛善悲時眩

仆視有餘不足而調其輸愁憂思慮則傷心心傷

則若驚喜忘善怒

心中風者翕翕發熱不能起心中肌則飲食則嘔

心中寒者其人病如噉蒜虀狀劇者心痛徹背背痛

徹心如蠱注其脈浮者自吐乃愈

心傷其人勞倦頭面赤而下重心中痛徹背自煩發熱當臍跳手共脉弦此爲心臟傷所致也

邪哭使魂魄不安者血氣少也血氣少者屬於心氣虛者其人卽畏合目欲眠夢遠行而精神離散魂魄妄行陰氣衰者卽爲癲陽氣衰者卽爲狂五臟者魂魄之宅舍精神之所依託也魂魄飛揚者其五臟空虛也卽邪神居之神靈所使鬼而下之脉短而微其臟不足則魂魄不安魂屬於肝魄屬於肺肺主津液卽爲涕泣出肺氣衰者卽泣出肝氣衰者魂則不安肝主善怒其聲呼



心水者其人身體腫重

一作

而少氣不得臥煩而

陰大腫

真心痛手足清至節心痛甚者旦發夕死夕發
心腹痛懊懣發作腫聚往來上下行痛有休作心腹
中熱善渴涎出者是虵蛟也以手聚而堅持之無令
得移以大鍼刺之外持之蟲不動乃出鍼腸中有蟲
虵蛟皆不可取以小鍼

心脹者煩心短氣臥不安

凡心脈急名曰心疝小腹當有形其以心爲壯藏小
腸爲之使故小腹當有形



中醫藥大學圖書館版權所有

診得心積沉而芤時上下無常處病胸滿悸腹中熱面赤咽乾心煩掌中熱甚則唾血身癢癢主血厥夏差冬劇色赤也

心之積名曰伏梁起於臍上上至心大如臂久久不愈病煩心心痛以秋庚辛日得之何也腎病傳心心當傳肺肺適以秋王王者不受邪心復欲還腎腎不肯受因畱結爲積故知伏梁以秋得之

心病煩悶少氣火熱熱上湯心嘔咳吐逆狂強語出如珠身體厥冷其脈當浮今反沉濡而滑其色當赤而復黑者此是水之剋火爲大逆十死不治

徵音人者主心聲也心聲笑其音竽其志喜其經手

少陰厥逆太陽則榮衛不通陰陽反錯陽氣外擊陰

氣內傷傷則寒寒則虛虛則驚掣心悸定心湯

方見第十四卷語聲前寬後急後聲不續前混後濁口喎

眛好自笑此為厲風入心荆瀝湯主之方見前第八卷心虛

風寒半身不遂骨節離解緩弱不收便利無度口面

喎邪薑附湯主之方見前第八卷此病不盈旬日宜急治之

又笑而呻呻而反憂此為水剋火陰擊陽陰起而陽

伏伏則實實則傷熱熱則狂悶亂冒昧言多謬誤不

可採聽此心已傷若其人口唇正赤可療青黃白黑

不可療也

心病爲瘧者令人心煩甚欲得清水反寒多不甚熱

方見前第十卷若其人本來心性和雅而忽變急反於常

木酒主之方見前第八卷或言未童便住以手剔脚爪此人

必死禍雖未及名曰行尸此心病聲之候也虛則補

之實則瀉之不可治者明以察之

赤爲心心合脈赤如雞冠者吉心主舌舌是心之餘

其人火形相比於上微赤色廣眦兌面小頭好肩背

髀腹小手足行安地疾行搖肩背肉滿有氣輕財少

信多慮見事明了好顧急心不壽暴死耐春夏不耐



秋冬秋冬感而生病主手少陰竅竅然髑髒長短傾
正則心應之正赤色小理者則心小小則邪弗能傷
易傷以憂粗理者則心大大則虛虛則寒寒則憂不
能傷易傷於邪無髑髒者則心高高則實實則熱熱
則滿於肺中悶而善忘難開以言髑髒小短舉者則
心下下則藏外易傷於寒易恐以言髑髒長者則心
堅堅則藏安守固髑髒弱以薄者則心脆脆則善病
消瘵熱中髑髒直下不舉者則心端正端正則和利
難傷髑髒向一方者則心偏傾偏傾則操持不一無
守司也

下云若髑髒小短薄弱而下則心下下則虛
虛則傷寒病憂恚內損心暴痛而好唾清涎

口臭蟲齒痛侵唇齒若齲齬高起則心高高則實實則熱熱則滿於心悶而善忘恐悸煩燥口痛牙癰舌傷小兒則便祕口重舌鵝凡入部分陷起者必有病口聲嘶方見頭面方中

生小腸太陽爲心之部其處陷起卽病生矣藏舍內外部亦內外沉濁屬內浮清居外若外病內入小腹滿起內病裏出所部陷沒外入內前治陽後補陰內出外前補陰後瀉陽陽則實熱陰則虛寒在陽主外在陰主內凡人死生休咎則藏神前變形於外人心前病則口爲之開張若心前死則枯黑語聲不轉若天中等分莖色應之卽死不治看應增損斟酌賒促賒則不出四百日內促則不賒旬月之間心病少愈

而卒死何以知之曰赤黑色黯點顏卽若見顏度年
上此必卒死心絕一口死何以知之兩目回回
肩息立死凡面赤目白憂悲思慮心氣內索面
好急求棺槨不過十日死又面黃目赤不死赤如不
血血死吉凶之色若在於分部臄臄如見赤黑入口
此必死不出其年名曰行尸若年上無應三年之中
病必死矣

夏大心脈色赤主手太陽也夏取盛經分腠夏者火
始治心氣始長脈瘦氣弱陽氣畱溢熱熏分腠內至
於經故取盛經分腠絕膚而病去者邪居淺也所謂